

**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 2. Vtrum eo mone[n]to, quo confertur gratia habitualis in
Eucharistia, necesse sit habere actualem deuotionem, & non peccare
venialiter.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Hic Oratio operatur, ut significatio operandi est significatio; vt videre est in omnibus Sacramentis: omnia enim operantur ut signa. Vnde Coclilium Trident. scil. 13. cap. 5. dicit Christi Corpus esse ibi ex vi verborum; id est, ex vi significationis verborum.

Dico Secundò, Non tamen operatur, vt vera speculatiua, aut vt falsa: sed vt prior natura quam sit vera vel falsa; id est, operatur, vt neutra, iuxta Scotum dist. 8. qu. 2. art. 3. Probatur, Quia veritas illius speculatiua pendet à praesenti Corporis Christi; praesentia autem pendet ab operatione: ergo operatio orationis huius est prior natura, quam veritas eius: ergo operatio non pendet ab eius veritate: sed contra, veritas eius pendet ab eius operatione. Quod confirmatur, quia oratio illa operatur, non quia vera est, sed vt vera sit: prius enim natura est significativa, quam sit vera, cum per se sit indeterminata ad veritatem, vel falsitatem. Ut autem sit vera, operatur suum significatum.

Dico Tertiò, Hæc oratio vt vera practica, recte dicitur esse operativa sui significati, & causa sua veritatis speculatiuus seu enuntiatiuus: vt recte Caietanus hoc loco. Probatur, Quia practica veritas orationis consistit in eo, quod sit confor-

¹⁸
Et ut Vera
Practica.

mis intentioni & potestati loquentis. (Vt patet in hac oratione, Hic ager erit tuus, pronuntiata à domino agri cum intentione tibi donandi: erit enim practice vera, et si forte contingat veritatem speculatiuam, qua pendet ab executione, impediri.) Hinc enim habet, quod sit vera causa sui significati, ac proinde sua veritatis speculatiua.

Itaque in hac oratione hæc ordine sunt consideranda. Primo, sonus materialis verborum. Secundo, significatio indeterminata ad verum & falsum. Tertio, veritas practica. Quartu, operatione eius. Quinto, praesentia Corporis Christi. Sexto, veritas speculatiua.

¹⁹
Ordo co-
rum, que
hic in hac
Oratione
consideran-
da sunt.

ARTICVLVS VI.

Vtrum forma consecrationis panis
consequatur suum effectum, an
tequam perficiatur forma con-
secrationis vini?

Vide D. Thomam.

QVÆSTIO LXXIX.

De Effectibus Sacramenti Eucharistie.

¹
Varii effec-
tus Eu-
charistie.

N Otandum est, Dupliciter considerari Eucharistiam. Primo, Ut Sacramentum est. Secundo, ut Sacrificium. Ut Sacramentum est, habet varios effectus. Primus est, Collatio gratiae habitualis, & virtutum annexarum; idque eo fine, ut perfectius Christo vniuersum. Secundus effectus est, Remissio peccati mortalis & venialis. Tertius est, Praeservatio à peccatis futuris. Quartus est, delectatio spiritualis. Quintus est, Gloriosa resurrectio corporum. De primo effectu agemus in quatuor proxime sequentibus dubijs: de ceteris vero in Dubio 5.

Prius tamen Adverte, et si alia Sacra menta gratiam conferant, huic tamen proprium esse conferre gratiam ad eum finem, ut perfectius Christo vniuersum; vnde potissimum auget charitatem. Adverte Secundò, Hoc Sacramentum etiam conferre auxilia præuentientia ad exitandam charitatem idonea; ut recte docet D. Tho. art. 1.

D V B I V M I.

An hoc Sacramentum aliquando conferat pri-
mam gratiam? Et consequenter, an ali-
quando deleat culpam peccati
mortalis?

²
Per se non
dat primam
gratiam.

R Espondeo, & Dico Primo, Per se, & pri-
maria sui institutione non confert primam
gratiam, sed solum gratiae augmentum. Ratio
est; quia datur per modum cibi, seu alimenti spir-
italis ad augendam charitatem. Alimentum au-
tem presupponit vitam sui generis. Vnde Apo-
stolus 1. ad Corinth. 11. v. 28. Inbet autem seip-
sum homo, & sic de pane illo edat. Quare nunquam
potest sumi Eucharistia directe hac intentione, vt

culpa mortalis condonetur; sicut Sacramentum Baptismi & Pœnitentie.

Dico Secundò, Per accidens tamen fieri posse, vt conferat primam gratiam. Ad hoc tamen non est satis, vt bonâ fide accedas sine conscientia pœ-
cati mortalis. Nam peccatum mortale non potest vnuquam remitti sine aliquâ pœnitentiâ superna-
turaliter inspirata, saltem attritione: vel certe sine actione virtualiter pœnitentiam continent. Pœ-
nitentia enim est necessarium medium ad remis-
sionem peccati mortalis; vt colligitur ex multis Scripturis, & Concilio Tridentino. Bona autem fides non potest supplere defectum medij necessa-
rij. Itaque requiritur saltem vera attritio in ge-
nere de omnibus peccatis commissis. Quid si quis eius fidei
conscientiam peccati mortiferi habeat, præter
veram attritionem, etiam requiritur vt bonâ fide
existimat se contritum, vel saltem suam pœnitentia-
m esse sufficientem; quamvis in illa existima-
tione fallatur: nam alioqui non excusabitur à transgressione præcepti diuini, quo tenetur in sta-
tu gratiae accedere. Vide D. Thomam art. 3.

D V B I V M I I.

Vtrum eo momento, quo confertur gratia habi-
tualis in Eucharistia, neceſſe sit habere ac-
tualem devotionem, & non peccare ve-
nialiter?

C Aietanus hoc loco art. 1. affirmat actualem
devotionem esse necessariam; & etiam, vt
tunc non committat peccatum veniale; quia de-
votionem impedit. Vnde colligit, omnes illæ
qui cum distractione comunicant, vel celebrant,
nō accipere augmentum gratie: quod etiam sen-
sit Du-

Quæst. 79. De Effectibus Sacramenti Eucharistia. D. 2. 3. 4. 133

⁵ sit Durandus d. 12. q. 4 ad 3. & Bonaventura; Antoninus, Petrus Soto, & quidam alij. Addit tamen Caietanus, hoc augmentum postea dari, quando se excitabit ad deuotionem. Sed contrarium ebl longe probabilius. Vnde

Dico Primo, In homine iusto, vt accipiat augmentum gratiae per hoc Sacramentum, nullam actualiæ devotionem esse absolute necessariam; quamvis saluberrima sit, & procuranda. Ita ferè omnes Doctores ceteri: D. Thomas art. 8. & Sotus in eundem articulum. Victoria quæst. 76. de Eucharistia & alij.

Probatur Primo, Quia alioqui sèpè homines iusti fraudarentur fructu huius Sacramenti sine suâ culpâ: nam sèpè fit, vt patiantur tunc distractio-nes planè involuntarias: atqui non est credibile, Christum sic instituisse hoc Sacramentum, vt eius fructus penderet à dispositione, que non est in hominis potestate; qualis est deuotio actualis illo momento temporis.

Probatur Secundo, Quia ipsum Sacramentum per se est efficax gratiae in homine nō habente im-pedimentum: atqui in homine iusto nullum est im-pedimentum infusionis gratiae, etiā careat actuali deuotione: ergo sufficit vt ex intéritione illud suscipiat. Minor probatur; Tum quia parvulus & a-mentibus in gratia constitutis, carentia deuotionis non est impedimentum infusionis gratiae; cur sit adultis impedimentum, præsertim si sine culpâ, ha-deuotione careant? Tū quia ipsa iustitia habituali est sufficiens dispositio ad augmentum gratiae per Sacramentum: nam si attrito in eo, qui est in peccato mortali, potest esse sufficiens dispositio cu bonâ fide ad infusionem primæ gratiae & iustificationis, vt dictu est, multò magis iustitia habituali, que vi suâ omne peccatum mortiferum exclu-dit, sufficiens dispositio erit ad gratiae augmentum.

⁶ Dico Secundo, Etiam peccatum veniale com-missum in susceptione Eucharistia, non impedit gratiae infusionem. Ita D. Thomas art. 8. huius quæstionis, & plerique DD. Gabriel lectione 85. Item Adrianus, Sotus, Victoria.

Probatur Primo, Quia peccatum veniale non re-pugnat gratiae habituali, ac proinde nec eius infu-sioni, si aliunde adsit sufficiens causa infusionis; vt hic. Quia peccatum veniale non impedit, quo min-nus quis possit simul mereri alio opere, & ex illo merito accipere gratiam: ergo non impedit efficaciam meritorum Christi, qua nobis per hoc Sacramentum applicantur.

Probatur Secundo, Quia non erat consentaneū humana fragilitati, vt Deus vellet effectum huius Sacramenti tam efficacis impedi per tam leuem culpan. Vnde 1. ad Corint. 11. non iubemur nos probare nisi de mortiferis, iuxta communem Pa-trum expositionem.

⁷ Carentia attentionis si ex negli-geâ orta, est hic ve-niale. Aduerte tamen, deuotionis & attentionis ab-sentiam esse peccatum veniale, si ex negligentiâ proueniat: quia non minorem attentionem & re-uerentiam requirit perceptio huius Sacramenti, quam recitatio horarum Canonicularum, sed multò maiorem. Non tamen idcirco impeditur effectus Sacramenti, quem vi sua conferit.

Dices Primo, Deus non iustificat adultos con-ferendo primam gratiam, vel gratiae augmentum, nisi interuenient motus liberi arbitrij, quo liberum arbitrium in Deum mouetur. Respondeo, Verū est. Sed non est neceſſe, vt ille motus simul sit cum

perceptione Sacramenti; satis est vt ante præcesse-rit: nam gratia non confertur tunc vi mortis li-beri arbitrij, sed vi Sacramenti.

Dices Secundo, Si homo acciperet gratiae au-gmentum, quandocumque communicat in gratia, cresceret eius gratia ferè in immensum; quod ta-men nō videtur: nam tales sèpè manent quæ imperfeci, & tepidi atque erant antea. Respondeo, Non est dubitandum, quin gratia in huiusmodi mirifice quotidianè crescat. Quod autem hoc incre-mentum foris non ita appareat, causa est, quod ex-ternus fervor, & passionum moderatio, magis co-paretur vsu, vel per assiduas excitationes diuinæ inspirationis, quam augmēto gratiae habitualis. Nam inclinatio donorum habitualium gratie nō directe repugnat motibus passionum: vnde etiam fit, vt experimēto deprehendi nequeat. Quare fieri potest, vt aliquis maxima charitate sit prædi-tus, & tamē subiectus sit vehementioribus passio-num motibus, quam alius, qui longè est charitate inferior. Adde, quod talis faciat maiora opera in-terna, licet exterius non appareat.

8

Cōmuni-cās in grā-tiā, semper in cā cre-scit.

D V B I V M III.

Quando hoc Sacramentū conferat hanc gratiā?

R Espondeo, Videri conferre vel in principio manducations, quando videlicet speciebus imprimis impetus ab instrumētis vitalibus, quo impetus traiicitur in stomachum. Vel certè in fine seu termino manducations, quod iam pertingit in stomachum; tunc enim completetur manducatio. Vel denique immediate post primū instans manducations; tunc enim primū dicitur Corpus Christi manducari, non autem in primo instanti, nec in vltimo. Nam manducari, est vitali actione traiici in stomachum, ac proinde includit motum. Nihil autē mouetur in primo & in vltimo instanti motu; sed solū in medio: ergo in primo & in vltimo instanti nō propriè dicitur manducari. At-qui Dominus Ioannis 6. foli manducanti promittit gratiam: ergo gratia datur, quando primū dici potest Eucharistia manducari; ac proinde post pri-mū instans manducations. Quare datur gratia, nō in instanti temporis nostri, cū post instans nullū aliud sit instans immediatū; sed datur in tempore indeterminato, quod proximè sequitur primū instans. Nec obstat, quod infusio illius gratiae tota simul fiat: etiā enim in se tota simul fit, tamen re-spectu temporis nostri cuius infusio non coëxistit in-stanti temporis nostri, sed tēpori indeterminato.

9

Quando præcisē Eucha-ristia det grā-tiam,

D V B I V M IV.

Vtrum Eucharistia post manducationem nihil amplius conferat gratiae habitualis?

R Espondeo & Dico Primo, Si post manduca-tionem crescat deuotio sumentis, valde pro-babile est, etiam augeri gratiam virtute huius Sa-cramenti, modò adhuc saluē sint species. Ita Ga-briel lect. 85. Ioan. Maior d. 9. q. 1. & Caiet. hoc loco. Ratio est; Quia promissio gratiae per hoc Sa-cramentū consequendū maxime facta est propter Christum manducatum, iuxta illud Ioan. 6. v. 57. Qui manducat me, vivet propter me. Quod confirma-tur; quia cibus corporalis non tantum prodet in mādūcatione, sed etiā post: ergo & hic cibus spiri-talis nouum fructū cōferet, si noua sit dispositio.

IO Crescente deuotio videtur & gratia cres-cere, si per-ficer species

Dico Secundo, Si in sumptuone deficit legitima dispositio, vt si sit in peccato mortifero, & nō ha-

M m m beat eius

11